

# ELEGIA DE MV.

SARVM IN GERMANIA HO-

spitio, cui & Scholæ Nissensis descriptio, ac  
encomion insertum est.

VALENTINI POLNERI

Nisseni.

**E**la age docta Thaleia refer, quo criminè lœsa  
Pieriae linquis templa sacrata tuæ?

Cur reliquæ fugiunt disiecto crine sorores?

Cur pater antiquum linquit Apollo solum?

Non ita de nibilo est assuetis cedere teclis,

Et velut eieetas quærere in orbe locum.

Ergò quis infestis vos propulsauerit armis,

Illiis nobis nomina quæso refer.

**A**N TIBI NON nctum coto quod spargitur orbe?

Muta tibi soli garrula fama fuit?

Quem fugit, ut Geticus populauerit arua tyrannus

Aoniæ, ut nobis non queat esse locus?

Vtque suo imperio iam subdidit omnia regna,

Quæ Sol exoriens cernit & occiduus?

Non huic iustitia est curæ, nec quicquid honestum est,

Non ars, quæ mores non sinit esse feros.

Contemptor Diuûm est, cui pro ratione voluntas

Imperat, ac stricto iura sub ense iacent.

Armipotente, igitur Musis, cum patre feroci

Conueniet bellè, & fædera pacis erunt?

A iiij Sauromatæ

Sauromatæ tantum fera Martis castra sequuntur  
Pugnacis semper lurida tela gerunt.  
Non iam (vah) cernes Græcæ vestigia linguae,  
Omnia sunt Getico barbara facta sono.  
Et genus est duro tantum intraclabile bello,  
Cui fuit (heu) quondam mitius ingenium.  
Dum, fuso nondum tam multo milite, Turca  
Argolicos esset depopulatus agros.  
Haclenus Argiuis cœlestia sacra placebant,  
In nostros cultus Græcia prona fuit.  
Sed quia mutatis modò fasiris aspera Martis  
Sacra colunt, ideo liquimus Aoniam.  
Venimus Ausoniam, ventosa per æquora vectæ,  
Vix data sunt nobis hic loca tutas satis.  
Germanas igitur, pennis superantibus Alpes,  
Venimus ad gentes, Marte potente satas.  
Non fuit his populus magis vñq; innictus ab armis,  
Plurima nam fortis bella tulere manu.  
Illi tantum animos hostilia tela dederunt,  
Essent qua fortes materiesque data est.  
Hinc retinunt titulos Manni virtute paratos,  
Quod tulerint semper multa trophyæ domum.  
Quodque gerant cunæli fortissima corda virorum,  
Gens Alemannorum nomine dicta fuit.  
At quia nunc nostras sunt corda imbuta per artes,  
Mollescunt mores, asperitasque fugit.  
Nec fera Gradiui Germania festa frequentat,  
Ponit ad antiquos, quæ tulit, armalares.

Iam tantum nostros tractat reuerenter honores,  
Thuricremos Musis extruit usque focos.  
Pinguibus atque aris gaudet studiosa iuuentus,  
Et struc̄tis vitulos imposuisse rogis.  
Certatimque colunt misti iuuenesque senesque,  
Auricomis Phœbi, Pegasidumque sacra.  
Condunt magnificas ædes, qui regna gubernant,  
Et loca sub nostro nomine multa struunt.  
VRBS clara est, roseos quæ Solis spectat ad ortus,  
Nissa, in Slesiaco pars benè nota solo.  
Fructibus arboreis, & lactis dulcis abundans,  
Et quæ prætereà fert benè cultus ager.  
Stagna quid alta lo quar? quid flumina nigra? quid  
Cunctas, quæ multo pisce natantur aquas. (ultra?  
Quidue voluptatum memorem viridaria plena?  
Omnia fructiferis consita ab arboribus?  
Quid sylvas amplas, & prata fragrantia dicam,  
Quæ Nissam circum gramine culta virent?  
Hic nobis ædem populus sanctusque Senatus  
Condidit, huic similem vix regio alcera habet.  
Omni ex parte domus cunctis est peruvia ventis,  
Illustratique omnem Phœbus uterque locum.  
Ante fores latè aspectus patet amplius, & ingens  
Turris, terrendis hostibus apta satis.  
Hinc Iacobe tuum templum supereminet altè,  
Alluit hoc blando murmure Bula strepens:  
Quaque suo tingit coniunx Tithonia, cælum  
Lutea, puniceo lumine, sidereum.

Pro-

Prospectus ludi patet hac, velut à specula alta,  
In nemora & facili culta vireta manu.  
Vestibulum silice est stratum, cui magna canalis  
Succumbens, teclo quæ cadit vnda, capit.  
Arcet & indoctos longè, osoresque Heliconis,  
Litera, quæ, Græca, est fronde notata scholæ.  
Incitat, & Latia quæ lingua est scripta, parentes,  
Artibus ut dedant pignora charabonis.  
Hic ubi & ingressum fornix patefecit amœnum,  
Principio occurruunt bina hypocausta tibi.  
Quodque tenet lœuam, latere ac calce est cameratū,  
Dixeris hoc conchæ ritè referre domum.  
Est spacioſum aliud, cancellis atque fenestris  
Perspicuum latis parte ab vtraque bene.  
Aptius ut discat, posita interualla, iuuentus,  
Per medium scindunt ordine quoque suo.  
Moxque gradus superans primos, habitacula bina,  
Affere limato contabulata videt.  
Inde aperit sese sacris aptissima nostris  
Aula, die nunquam Sole micante vacans.  
Ex illa est aditus docti ad conclave Magistri,  
Qua venit Eois Sol nouus ortus aquis.  
Aulai in medio est alias ingressus ad ædes,  
(Divisa in ternas est Schola namque domos.)  
Bis duo sunt illic penetralia structa, & eorum  
Crustatum calce est, saxa ligante, solum.  
Occupat augustum loca summa cubile, sed ima,  
Testudo, medium bina hypocausta tenent.

Ipsa

Ipsa etiam ex aula ascensu datur altus, ibidem

Bis sex, ast uno dempto, habitacula vides.

Disposita hæc simili spacio sunt singula, & apta  
Illis, Pieridum qui pia sacra colunt.

Tertia sed quamvis domus est sciuncta duabus,  
Vna tamen ternas tegula dura tegit.

Hic atrium se se magnum offert, inde per altas  
Accessus scalas ad loca summa patet.

Dextraque Musæum per amœnum, læua cubile  
Amplum habet, unde Aquilo frigora sœua ciet.

Æde bac perdiscit numeros, monstrante Magistro,  
Pubes, qua possit pingere & arte notas.

Magnæ instar molis teclum supereminet alte,  
Inspiciens campos flore virentis agri.

Non ita Parnassi nobis iuga grata fuere,  
Quam tuus multos sint habitata dies.

Non Helicon tantum arrisit: Nam Grecia tota  
Cultibus in nostris non ita sedula erat.

Ac vis Nissenam pubem tenet ipsa sacrorum,  
Tota cui nostri corda ab amore flagrant.

Nec solā hanc habet hic amor, ardor at omnibus idem  
Quot iuuenum passim Teutonis ora tulit: (est,  
Quotque senum, cuncti nostris de more bidentes  
Imponunt aris, Pegasiūque bibunt.

Tu QVOQUE, cui iuuenis, quæsita est causa viarū,  
Ingenuas artes perdidicisse velis.

Desidiaque omnes fugias, puer optime, causas,  
Atque tuis annis vtere & ingenio.

Nec (facit ut vulgus) Fortunæ suspice dona,  
Hæc, quæ iam dederit mox repetijsse solet.  
Cùm studij at nostri maneat fælicior vñsus,  
Te moneo, totum huic dedere abinde velis.  
Sic tibi perpetuum nomen cum laude parabis,  
Hostis in hoc poterit iuris habere nihil.  
Cætera funestæ sunt omnia subdita morti,  
Ingenium extremos effugit usque rogos.  
Vos sequar, ô Musæ, & dum spiritus hos reget artus,  
In vestris cupio consenuisse sacris.  
Nil prius ex illis fuerit, quod continet orbis,  
Quam vestræ assiduum me comitem esse viæ.  
Siue etiam extremos via sit facienda per Indos,  
Si quid & ulterius Phœbus vterque videt.  
Non metuam Ponti, non mille pericula terræ,  
Ipsa etiam Martis per fera castra sequar.  
Cuncta feram Aonidū doctarum dum modò alumnus,  
Esseque dum possim miles Apollo tuus.  
Tufaureas igitur cæptis, Deus optime, honestis,  
Ut perget, nostram dirige, Christe, ratem.